

TABULA 654.

ALOE ACINACIFOLIA.

HEXANDRIA MONOGYNIA.

CHAR: ESSENT: *Cor.* tubulosa, ore subsexfido, patulo, fundo nectarifero. *Filamenta* receptaculo inserta. *Capsula* supera, trilocularis, trivalvis, polysperma. *Semina* bi-serialia, margine membranaceo. (*Flores* ore nunc recto, nunc labiato. *Folia* carnososa, s. succulenta, crassa.)

ALOE *acinacifolia*: acaulis, foliis distichis, acinaciformibus, angulis cartilagineo-aculeatis; floribus racemosis, pendulis, cylindricis. v. *Jacq. Eclog. Fasc. 4. p. 49. t. 51.*

Habitat ignotus. ♀.

RADIX perennis, fibrosa; fibris crassis, carnosis.

CAULIS nullus.

FOLIA omnia radicalia, quinque vel sex, disticha, patentia, sesquipedalia et ultra, duos pollices lata, acinaciformia, glabra, saturate viridia, maculis albis variegata, apice mucronata, marginibus tribus cartilagineis, aculeato-scabris, subdiaphanis.

FLORES ultra viginti in racemo simplici, sesquipedali.

SCAPUS obliquus, tripedalis, inferne anceps, superne fere teretes, glaucescens, bracteatus; bracteis paucis, ternis, oppositis et solitariis, ovato, ovato-lanceolatis, cuspidatis, scariosis. *Pedicelli* laxi, penduli, bractea una sessili, minima, scariosa, lineari-lanceolata, singuli muniti.

COROLLA sesquipollicem fere longa, campanulata, incurva, subcarnosa; tubo rosco, limbo profunde sexfido, virescenti, subringente, laciniis apice reflexis.

STAMINA sex, corolla breviora, declinata, tribus longioribus. *Antherae* erectae, flavae.

PISTILLUM: *Germen* oblongum, subtrigonum. *Stylus* declinatus, primo longitudine staminum, post anthesin vero corolla paulo longior. *Stigma* cernuum, villosum. v. *Jacq. l. c.*

Planta naturali magnitudine.